



Broj: 14-01-05-113/12
Sarajevo, 24.04.2012.godine

Bosna i Heregovina
Federacija Bosne i Hercegovine
SKUPŠTINA KANTONA SARAJEVO
S A R A J E V O
n/r, Predsjedavajuće, Prof.dr. Mirjane Malić

Predmet: Odgovor na poslaničko inicijativu broj: 01-05-6690/12 od 28.03.2012.godine
podnesenu od strane poslanika Besima Mehmedića - dostavlja se

Na Trinaestoj Radnoj sjednici Skupštine Kantona Sarajevo, održanoj dana, 28.03.2012.godine, poslanik Besim Mehmedić u okviru tačke dnevnog reda "Poslanička pitanja, inicijative i odgovori" pokrenuo je inicijativu:

„Da zaista ovaj Grad, ovaj Kanton riješi problem prodaje poljoprivrednih proizvoda oko Markala i na pijaci Ciglane“.

Obrazloženje:

„Mislim da je prije svega sa aspekta zaštite zdravlja stanovnika Sarajevo definitivno to treba razriješiti jer je toliko nelogično da kantice sa sirom se prodaju na trotoaru pored svega onoga što svi znamo donosi izduvni gasovi, a još pri tome što je još tužnije da se prodaje roba jako sumnjivog porijekla istočnih zemalja, ko god se to ljutio, odakle god je, pogotovu jer ne znamo u ovoj globalizaciji šta su ti proizvodi da li nose sa sobom neke kancerogene stvari, a uvjeren sam i iskustvo mi je govorilo da nema zdravstvene kontrole nad tim proizvodima. I drugo, mislim da se zaista u kulturološkom smislu društvenom smislu, kao point nečega što želi da bude turizam spušta na nivo provincijalnog grada. Mislim da je zaista konačno vrijeme da svi oni koji su nadležni da to riješe, bar ove pointe koji su najvažniju u Sarajevu, da ne govorim most preko Drvenije, gdje možete da vidite od donjeg veša do raznih sumnjivih kineskih proizvoda“

U vezi s pokrenutom inicijativom, dajemo slijedeći

ODGOVOR :

Kako bi se suzbila pojava bespravnog prometa roba na javnim mjestima, između ostalog i prodaja poljoprivrednih proizvoda na lokacijama naznačenim u dostavljenoj Inicijativi, ovaj organ, poduzeo je niz mjera i aktivnosti. Jedna od tih mjera, je kako smo ranije isticali i određivanje 17 najkritičnijih lokacija u Kantonu Sarajevo na kojima se vrši bespravan promet roba.

U cilju pojačane kontrole na navedene okolnosti, na unaprijed određenim najkritičnijim lokacijama, u prošloj godini, formirani su mobilni timovi u suradnji sa pripadnicima specijalne jedinice MUP-a Kantona Sarajevo, koji su radili svakodnevno u smjenama od 10,00 - 16,00 sati i od 16,00-22,00 sata. Kontinuirane aktivnosti su realizovane do oktobra mjeseca 2011.godine kada je od strane MUP-a data sugestija da se ubuduće rad organizuje prema rasporedu nadležnih policijskih uprava čime se rad mobilnih timova ograničio.

Pojačani nadzor u navedenoj oblasti vršen je u periodu od 17.03.2011.godine do 31.10.2011. godine u dvije smjene, radnim danima i vikendom . U toku navedenog perioda izuzeta je roba u vrijednosti od 46.220,50 KM, te su podneena 83 zahtjeva za pokretanje prekršajnog postupka kod nadležnog suda, i izdato 75 prekršajnih naloga. Međutim, moramo istaći da je i u ovim slučajevima, sudska praksa prema učiniocima prekršaja blaga, te da su najčešće izricane mjere ukor, ili su počinioci prekršaja, kažnjeni uslovno.

U periodu od 01.01.2012.godine do 31.03.2012 godine po izvršenim inspekcijskim nadzorima iz oblasti tržišno-turističke inspekcije, a koji podrazumijevaju kontrolu obavljanja trgovine bez odobrenja nadležnog organa i kontrolu prometa robe bez vjerodostojne dokumentacije, izdato je 15 prekršajnih naloga.Po utvrđenom prekršaju roba kojom je počinjen prekršaj je privremeno oduzeta, do oknčanja prekršajnog postupka pred nadležnim sudom, a ukoliko su predmet prekršaja bili mliječni proizvodi, kao brzo kvarljiva roba uništavani su na licu mjesta.

Kontrola zdravstvene ispravnosti životnih namirnica, koje se prodaju izvan mjesta određenog za prodaju robe, nije vršena iz razlga što se navedena roba, prema zakonskim propisima tretira kao roba bez porijekla, odnosno kao bespravan promet životnih namirnica i predmeta opće upotrebe.

Međutim, kao što se vidi iz dostavljene Inicijative, navedene aktivnosti ne daju trajna rješenja niti dugoročne rezultate. Djelovanje same inspekcije je otežano zbog samog karaktera uličnog prometa i lica koja se time bave (brza pokretljivost prekršitelja, nemogućnost identifikacije i dr.) dok su nadležnosti policije u asistenciji ograničene samo na pružanje pomoći u slučaju fizičkog napada inspektora.

U cilju dugoročnog i kvalitetnog rješenja navedenog problema, Kantonalna uprava za inspekcijske poslove, nakon što je prepoznala navedeni problem, pokrenula je :

- inicijativu za izmjenu Zakona o prekršajima protiv javnog reda i mira,
- inicijativu za formiranje komunalne policije.

Inicijativa za formiranje komunalne policije, nakon što smo dobili mišljenje Federalnog ministarstva pravde, nije realizovana, iako je postojalai saglasnost Vlade Kantona Sarajevo, zbog važećih propisa koji uređuju radno - pravni status zaposlenika, komunalnih redara, koji su trebali biti preuzeti u komunalnu policiju.

Dok se ne iznađe zakonska mogućnost, odnosno ne stvore pretpostavke za formiranje komunalne policije, smatramo da je neophodno nastaviti sa aktivnostima putem stalnih, dvosmjenskih mobilnih timova, za područje Kantona Sarajevo, u koje je neophodno uključiti predstavnike specijalne jedinice za podršku MUP-a Kantona Sarajevo.

Istovremeno potrebno je djelovati na svijest građana, u smislu da prehrambene proizvode koje se prodaju izvan određenih mjesta (tržnica) ne kupuju iz razloga što se radi o robi koja je posebno kada su u pitanju mliječni proizvodi, brzo kvarljiva i koja ne podliježe kontroli zdravstvene ispravnosti.

Također želimo istaći da je u cilju suzbijanja bespravnog prometa roba na javnim površinama - saobraćajnicama i trotoarima, čime se ugrožava bezbjednost učesnika u saobraćaju shodno propisima koji regulišu bezbjednost saobraćaja, moguće angažovanje pripadnika MUP-a, čime bi se imajući u vidu njihovo stalno prisustvo na terenu postigli značajni efekti.

DOSTAVITI:

1. Naslovu
2. Sekretaru Skupštine Kantona Sarajevo
3. Sekretaru Vlade Kantona Sarajevo
4. Evidenciji
5. Arhiva

